



NATIONAL SENIOR CERTIFICATE EXAMINATION
NOVEMBER 2022

SISWATI LULWIMI LWEKUCALA LWEKWENGETA: LIPHEPHA II
SISWATI FIRST ADDITIONAL LANGUAGE: PAPER II

Sikhatsi: 2½ Emahora

Emamaki: 100

TICONDZISO

1. Leliphepha lemibuto linemakhasi la-5.
 2. Leliphepha lemibuto lehlukane iswe sigaba letimbili, Sigaba A neSigaba B.
 3. Sigaba A sinemamaki la-60, Sigaba B sinemamaki la-40.
 4. Fundzisisa kutsi leso naleso sigaba siphendvulwa kanjani.
 5. Cala leso naleso sigaba ekhasini lelisha.
 6. Bhala linani lemagama lowasebentisile ekugcineni kwaleyo naleyo mphendvulo yakho.
 7. Phendvula yonkhe imibuto ngeSiswati lesemukelekile.
 8. Hlela kahle umsebenti wakho ubuye ubhale ngesandla lesifundzekako.
-

SIGABA A TEMIBHALO**UMBHALO UMDLALO****TENTILE: S. M. Magagula**

Phendvula yonkhe imibuto kulena lemine lebutiwe. Ungakhohlwa kwesekela lokushoko ngaloko lesikutfola emdlalweni.

UMBUTO 1

Fundza lethekesthi bese uphendvula imibuto lelandzelako.

- LaNdlela: Batala impela. Kube ngulokwa ngetikhatsi tetfu bebatawutfola tinkhomo.
- Ndvuna: Tinkhomo, nanyalo solo tikhona tinkhomo. Kube ngatala emadvodzana lambalwa, lenye ngabe ngingayitekela lentfombi. (*Atsatse tjwala anatse.*)
- LaNdlela: Ucinisile mzala. Kodvwa ungakhohlwa kutsi labantfwabetfu abasatjeleki. Ungafisa kumkhetsela ngobe umtsandzela umntfwana wakho kodvwa yena akutjele kutsi umjingi udliwa yinhlitiyo.
- Ndvuna: Basho loko kepha ugcine ungaboni kutsi baphetselaphi. Linyenti labo liphetsela etibini. Lesisho mzala sasivele sikhona nasebujaheni betfu. Tjela mine mzala, bangaki labendziswa lebangakahlali kahle emitini yabo? Bangaki-ke labo bemjingi labahleli emitini yabo ngekujabula?
- LaNdlela: Tikhatsi tijikile mzala. Tentile naye ngive ngenina itolo kutsi uma kuleso sisho. Ingani phela uyise umbonela lapha kuSimelane.
- Nduva: Lomntfwana wala lenhlalakahle lengaka? Simelane awuphatsa kahle kangaka umndeni wakhe. Bafati bakhe batsandzana njengetelamani, wabalobola bobabili. Bafunani kantsi labantfwana?
- LaNdlela: Bekungasikubi kutikhetsela kwabo uma bakhetsa kubonakale titselo tako. Nami ngatikhetsela kodvwa ngangite lobuhatsa lebebungenta batali bami bangesabele kutsi ngitawonakala.
- Ndvuna: Akusiko nje kwesabela konakala kuphela. Tsine batali sibuka kutsi ikhona yini imphatfo kulowo muti, nasibona kutsi kuyaphilwa bese sesenta buhlobo ngekutsi basigcinele litsambo letfu. Mine nje nangu LaMsibi ngaletselwa batali bakhe. Uhleti kahle naLaGule umfati wami wekucala, ungeke ubehlukanise.

[Likhasi: 10–11]

- 1.1 Hlobo luni lweludvweshu lolutfolakala kuletheksthi? Sekela imphendvulo yakho? (2)
- 1.2 Nkhambule utawuzuzani ngekwendzisa Tentile kaSimelane? Nika kubili. (2)
- 1.3 Ngekubona kwakho ngubani imbangi lenkhulu yaTentile? Sekela imphendvulo yakho. (2)
- 1.4 Ngabe letheksthi lengenhla ingadlaleka yini esiteji? Sekela imphendvulo yakho. (2)
- 1.5 Kuletikhatsi lesiphila kuto sitsembu asisalungi. Nika tizatfu tibe letintsatfu letingenta kutsi sitsembu singalungi. (3)
- 1.6 Kwakufanele yini kutsi Tentile aye kuyofuna umsebenti edolobheni? Sekela ngemaphuzu lamane. (4)
- [15]**

UMBUTO 2 INDZABAMBHALO LEMFISHA

Umbhali uphumelele kwetsa badlali bakhe emabito labafanele kulomdlalo. Bhala indzatjanambhalo uvete kutsi libito laMphikeleli liyamfanela yini vele uma ubuka tento takhe kulomdlalo. Sebentisa tigameko letine lotitfole emdlalweni kwesekela imphendvulo yakho.

Indzabambhalo yakho ayibe nemagama **langemagama la-120–150**.

[15]**UMBUTO 3 INKHULUMISWANO**

Kunenkhulumiswano/ Inkhulumomphendvulwano emkhatsini waNkhambule naLaMatsebula ngemva kwekutsi batfole incwadzi lebuya kuTentile lechaza kutsi akayanga kagogo wakhe, kodvwa waya kuyofuna umsebenti. Bhala inkhulumiswano/ inkhulumomphendvulwano yalabadlali lababili usebentise akho emagama.

Imphendvulo yakho ayibe **ngemagama la-80–100**.

[10]**UMBUTO 4 INDZABAMBHALO LENDZE**

Khetsa nobe nguwuphi umbuto **UBE MUNYE** kulena lelandzelako uphendvule ngawo. Leyo naleyo mphendvulo yakho ayibe **nemagama la-150–180**.

- 4.1 Umbhali abehlose kwendlulisa tifundvo letitsite ngalomdlalo. Bhala indzabambhalo uvete tifundvo letisihlanu lotitfolile usafundza lomdlalo.

(20)**NOBE**

- 4.2 Lomdlalo uyawutsintsa ummango lesiphila kuwo ngetindlela letinyenti. Bhala indzabambhalo ngetigameko letisihlanu letiwutsintsako ummango letivetiwe kulomdlalo.

(20)**[20]**

60 emamaki

SIGABA B EMATHEKSTHI EMIBHALOMBIKO

Phendvula yomibili lemibuto kulesigaba.

UMBUTO 5 INCWADZI YEBUNGANI

Umngani wakho lenakhula naye wafaka sandla ekutsini ugcine ungulodokotela longuye lamuhla. Mbhalele incwadzi umbonge, uphindze umcele kutsi angasali emcimbini lotawube unawo enyangeni letako.

Imphendvulo yakho ayibe **ngemagama la-150–200**.

[30]

UMBUTO 6 LIKHADI LESIMEMO

Njengobe utawube unemcimbi lomkhulu enyangeni letako, udzinga kutfumelela timenywa takho likhadi lesimemo lalomcimbi. Lidvwebe lelikhadi, unikete yonkhe imininingwane.

Imphendvulo yakho ayibe **ngemagama la-120–150**.

[10]

40 emamaki

Samba: 100 emamaki